



Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

Disp. V. De indifferentia ad bonitatem & malitiam

[urn:nbn:de:hbz:466:1-77355](#)

DISPUTATIO V.

De Indifferentia ad bonitatem & malitiam.

CONSIDERATA bonitate & malitia actuum humanorum, deorum indifferentia ad bonitatem & malitiam agendum est, & cum S. Doctore hic art. 8. & 9. discussendum, an dentur actus indifferentes ex sua specie &, in individuo? Unde sit

ARTICVLVS UNICVS.

Virum detur aliquis actus humanus, qui non solum ex sua specie, sed etiam in individuo, seu quoad exercitium sit indifferens?

S. I.

Quibusdam premissis referuntur sententiae.

NO T A N D V M, primò: quod sicut duplex est bonitas vel malitia actus, una essentialis quæ desumitur per ordinem ad objectum, alia accidentalis, quæ derivatur ex fine & circumstantiis: ita duplex potest in eo concipi indifferentia, una essentialis & specifica, quæ sumatur per ordinem ad objectum indifferens; altera accidentalis, quæ derivetur ex ordine ad finem operantis, & alias circumstantias. Quod ut magis declaretur, & status hujus celebris questionis clare percipiatur,

Notandum secundò, quod sicut homo potest considerari dupliciter: primò secundùm se, & quantum ad ea solum quæ ipsi essentialiter competunt, quā ratione est solum animal rationale: secundò ut à parte rei de facto ponitur, cum omni eo quod ipsi competit etiam accidentally; & sic non solum est animal rationale, sed etiam magnus vel parvus, albus aut niger, satius vel infirmus, musicus vel philosophus: ita pariter actus humanus dupliciter spectari potest, nempe secundùm suam speciem & essentiam; & ut exercitus à parte rei, ac vestitus omnibus circumstantiis. Inquirimus ergo, an possit esse indifferentes utroque modo, scilicet per ordinem ad objectum, seu in sua essentia & specie; & in individuo, ac pensatis omnibus accidentibus, quæ necessariò illum comitantur? Questione autem solum procedit de acto humano, id est libero seu deliberato: nam quoad actus non humanos, seu indeliberatos, maximè qui ex imaginatione procedunt, constat nec bonos esse moraliter, nec malos, etiamsi absolute eorum objecta comparata ad rationem essent bona aut mala; quia defectu libertatis, quæ ad moralitatem necessariò presupponitur, sunt extra totum genus moris, & sic ad bonum & malum potius negativè quam privativer indifferentes sunt, ut notavit D. Thomas hic art. 9, in calce corporis articuli. Hic etiam solum agimus de indifferentia ad bonitatem & malitiam moralem ordinis naturalis, seu quæ sumitur ex ordine ad finem naturalem: nam lo-

A quando in ordine ad finem supernaturalem, dubium non est quin dentur actus, qui neque sunt boni, neque mali, nec meritorij nec demeritorij: v. g. elemosyna facta ab infideli, vel à peccatore, ob finem naturalem misericordia, est actus moraliter bonus; sed quia non procedit ex gratia, qua est radix & principium meriti in ordine supernaturali, in illo ordine neque meretur primum, neque supplicium, quia nullo modo ad ordinem illum pertinet. His præmissis,

Circa propositam difficultatem triplex versatur sententia. Prima est Scoti in 2. dist. 7. docentis nullum dari actum indifferentem ex sua specie, plures tamen actus in individuo indifferentes esse. Secunda D. Thomæ hic art. 8. & 9. afferentis dari quidem actus indifferentes ex sua specie, nullum tamen esse posse indifferentem in individuo & quoad exercitium. Tertia Vazquezij & aliorum, admittentium actus ex sua specie & in individuo indifferentes.

S. II.

Prima sententia rejecitur.

Dico primò, dati actus indifferentes ex sua specie.

Probat ratione D. Thomæ hic art. 8. Actus humanus speciem sumit ab objecto, ut disputatione præcedenti visum est: unde sicut actus illi dicuntur boni ex sua specie, qui tendunt in objectum de se bonum, & econtra illi ex specie sua censentur mali, qui ex vi objecti habent turpitudinem; ita illi indifferentes ex sua specie appellantur, qui habent objectum ex se ad bonum vel malum indifferens, utpote secundum se neque consonum, neque dissidium rationis. Hujusmodi autem esse plures actus voluntatis constat: nam ambulare, levare festucam, ire ad agrum, & hujusmodi, ex objecto non habent bonitatem aut malitiam, sed ad utramque indifferentes sunt; unde ex bono fine honestari, & ex malo virtutem possunt, iuxta illud Augustini lib. 2. de fern. Domiti in monte: *Sunt quedam facta media, que possunt bono vel malo animo fieri, de quibus judicare temerarium est.*

Confirmatur: Communiter dicitur quod alii qui actus humani sunt boni, quia præcepti, ut abstinere à carnibus die Veneris; & alii mali, quia prohibiti, ut manducare carnes die Veneris: Ergo signum est quod isti actus sunt indifferentes secundùm suam speciem, & quod possunt ex adjunctis circumstantiis determinari ad bonum vel malum: si enim secundùm suam speciem essent determinate boni aut mali, dicerentur è contrario præcepti quia boni, vel prohibiti quia mali.

E Sed est communis objectio: Inter opposita privative non datur medium: Atqui bonum & malum opponuntur privative: Ergo inter illa non mediat actus indifferens secundùm suam speciem.

Confirmatur: Inter verum & falsum respectu propositionis non datur medium; omnis enim propositionis aut est determinatè vera, aut determinatè falsa: Ergo neque inter bonum & malum respectu actus voluntatis.

Respondeo primò: quod licet bonum & malum in naturalibus opponuntur privative, in moralibus tamen opponuntur contrarie: quia peccatum, quod est malum morale, non consistit

DE INDIFFERENTIA AD BONITATEM ET MALITIAM. 241

D. p. 4
art. 1.
s. 8. f.

sistit in pura privatione, sed in aliquo positivo connotante privationem, ut dicemus in tractatu de peccatis: inter opposita autem contrariæ datur medium, ut inter calidum & frigidum, album & nigrum. Quia tamen sententia quæ docet formale peccati, seu malitiam moralem, in sola privatione confitetur, probabilitate non carer, & à pluribus Thomistis defenditur, ut juxta hanc sententiam argumentum solvi possit,

8. Respondeo secundò: quod licet inter privativè opposita non detur medium absolutè, benè tamen, si apponatur aliqua reduplicatio aut præcisio: v. g. et si aër à parte rei sit lucidus aut tenebrosus, & animal videns aut cœcum; si tamen aër secundùm se, & secundùm suam essentiam consideretur, neque est lucidus neque tenebrosus; & animal secundùm sua prædicata essentia neque est videns, neque cœcum, sed abstrahit ab utroque. Similiter etiam licet omnis actus humanus, absolutè & in individuo sit vel bonus, vel malus moraliter, & sic non detur medium, ut dicemus conclusione sequenti, tamen sumendo reduplicativè, seu addendo ex specie sua, datur aliquis actus humanus, qui neque est bonus, neque malus, sed indifferens, ille scilicet qui versatur circa objectum, neque consonum neque dissonum rationi.

9. Ex quo patet solutio confirmationis: nam licet inter verum & falsum, respectu propositionis, absolutè non detur medium, si tamen fiat aliqua præcisio aut reduplicatio, potest dari medium: propositiones enim de futuro contingent, prout antecedunt decretum, & dicunt habitudinem ad rem significatam, neque sunt veræ, neque falsæ, sed indifferentes ad veritatem & falsitatem, quia pro illo priori earum objectum nec est futurum, neque non futurum, sed purè possibile, & merè indifferens ad futuritionem vel non futuritionem, ut latè expendimus in tractatu de Scientia Dei. Huic ergo indifferentia correspondet in actibus humanis indifferentia secundum objectum ad bonum & malum: sicut determinatio ad verum vel falsum ex decreto, correspondet determinatio ad bonum vel malum in individuo.

10. Ex hoc etiam facilè solves istud argumentum, quod contra nostram conclusionem fieri solet. Omnis species semper reperitur in aliquo individuo: Sed non potest dari actus indifferens in individuo, ut ostendemus s. sequenti: Ergo nec secundum suam speciem. Respondetur enim, quod licet species, que actu humano absolutè convenit, in aliquo individuo reperiatur, ea tamen quæ illi competit sub quadam præcisione & statu, quo attingit, vel concipiatur attingere objectum sine circumstantiis, non potest ad individua descendere, quia in individuo inveniuntur circumstantiae, sine quibus individuo non datur: indifferentia autem ad bonitatem & malitiam actibus humanis absolutè non convenit, sed sub aliqua tantum præcisione & reduplicazione, nempe prout solum objectum respiciunt, & à circumstantiis abstrahunt.

11. Dices: Repugnat actus humanos, etiam sub hac reduplicatione & præcisione consideratos, seu prout dicunt ordinem ad solum objectum, ut à circumstantiis præciscum, esse indifferentes ad bonitatem & malitiam: Ergo repugnat dari actus indifferentes ex sua specie. Consequentia patet, Antecedens probatur. Objectum actuum

A voluntatis necessariò debet esse bonum; cum voluntas versetur circa bonum, sicut intellectus circa verum: Vel ergo est bonum honestum, vel utile, vel delectabile? Si est honestum, hoc ipso est bonum morale; si delectabile & non honestum, hoc ipso est malum: si utile, aut fit in ipso tanquam in fine, & sic est perversum & malum, quia perveritas est frui utendis, ut ait Augustinus: aut refertur utile in aliquem finem, & sic hoc ipso habet bonitatem aut malitiam; quia ordo ad finem bonum est bonus, & ordo ad finem malum est malus: Ergo non possunt dari actus humani indifferentes secundum ordinem quem dicunt ad objectum.

B Respondeo, negando Antecedens. Ad cuius probacionem dicendum cum D. Thoma hic art. 8. ad 2. objectum actus indifferentes ex sua specie esse bonum bonitate naturali, non verè bonitate morali, quæ consideratur per comparationem ad rationem. Unde cum queritur an illud sit bonum honestum, delectabile, vel utile? Respondetur esse bonum honestum, non actu, sed potentia, quia potest honestari ex fine, vel ex circumstantiis adjunctis: esse autem actu delectabile vel utile, quia potest alicui fini defervire, & in se etiam aliquid delectationis admittere; sicut loqui, aut ire in campum, de se delectabile est, & potest etiam utile esse ad aliquem finem. Et cum infatur, & dicitur quod delectabile non honestum, est malum, distinguendum est: si sit non honestum privativè & contrariè, concedendum: si sit purè negativè non honestum, capax autem honestari ex fine adjuncto, negandum: talis enim delectabile non est malum determinatè & in actu, sed est permisum & indifferens, potestque reddi bonus vel malum ex adjunctis. Similiter objectum illud potest dici utile, non determinatè ad bonum, vel determinatè ad malum, sed indifferenter ad utrumque, quatenus potest ad bonus vel ad malum finem referri, & ex tali ordinatione determinatam bonitatem aut malitiam habere.

12.

S. III.

Alia difficultas resolvitur.

C Dico secundò: Non datur, neque dari potest aliquis actus humanus & moralis, qui in individuo consideratus cum omnibus circumstantiis quas actu habet, non sit determinatè bonus, vel determinatè malus, sed verè indifferens ad bonum vel malum morale. Ita præter D. Thomam, & ejus Discipulos, docent plures celebres Theologi, Curiel, Bellarminus, Suarez, Valentia, Azorius, Vega, Návarrus, Sayrus, & alij, quos hic referunt & citant Joannes à S. Thoma, Ildephonsus, & alij ex nostris Thomistis.

E Probatur primò ex SS. Patribus: Augustinus enim lib. 2. de peccat. meritis & remiss. cap. 18. exprestè docet quod voluntas non potest in medio quodam ita consistere, quod nec bona sit nec mala. Et Epist. 19. ait *Cavendum esse, ne quadam facta hominum media dicamus interrelè facta & peccatum.* Quæ testimonia adeò manifesta sunt, ut Vazquez hic disp. 25. cap. 6. ingenue faciat rursum Augustini sententiam, non dari actu indifferente in individuo, & dicat sententiam D. Augustini, D. Thomæ, D. Prosperi, Divi Fulgentij, & aliorum Augu-

13.

Hh

Temp. III.

DISPUTATIO QVINTA

242

14.

stini Discipulorum hac in re non sibi placere. A Confirmatur : D. Damascenus lib. 2. de fide cap. 39. duos tantum providentia divinæ modos circa opera hominum constituit , nempe secundum acceptiōnem respectu bonorum , & secundum permissionem respectu malorum ; quorum etiam meminit D. Thomas qu. 4. de verit. art. 4. & primam , providentiam approbationis , secundam , providentiam concessionis appellat : Atqui si in individuo , & quoad exercitium darentur actus humani indifferentes ad bonitatem & malitiam , tertius modus providentie respectu ipsorum deberet admitti ; cùm sub providentia approbationis solum cadant actus boni ; ad providentiam vero concessionis B seu permissionis , solum pertineant actus mali : Ergo &c.

15.

Probatur secundò conclusio ratione D. Thomae , cuius vis in eo consistit , quod si aliquis actus posset esse indifferens in individuo , maximè ille qui est indifferens ex sua specie , seu ex objecto : Sed actus ex sua specie , seu ex objecto indifferens , non potest esse indifferens in individuo : Ergo &c. Major patet : quia actus bonus , aut malus ex objecto , est necessariò bonus , aut malus in individuo. Minor vero probatur : Licet aliquis actus non habeat ex sua specie & objecto quod sit bonus , aut malus , quia tamen bonitas , aut malitia , non pender solum ab objecto , sed etiam à circumstantiis , quæ sunt veluti quædam accidentia , oportet quod quilibet individualis actus habeat aliquam circumstantiam , per quam contrahatur ad bonum , vel malum , ad minus ex parte intentionis finis : nam si finis quem operans formaliter aut virtualiter intendit , sit honestus , etiamsi objectum sit indifferens , actus erit bonus moraliter , ut cùm quis vadit in agrum honesta recreations causâ : si vero finis non sit honestus , eo ipso talis actus erit malus moraliter ; quia eo ipso quod actus non habet finem bonum , est malus : Cum enim (inquit S. Doctor) rationis sit ordinare , actus à ratione deliberativa procedens , si non sit ad debitum finem ordinatus , ex hoc ipso repugnat rationi , & habet rationem mali. Ergo actus ex sua specie , seu ex objecto indifferens , non potest esse indifferens in individuo.

16.

Respondet Vazquez ubi supra , tripliciter posse contingere quod finis actus nostri non sit bonus : primò contrariè , quia potius est malus , ut ire in agrum ad furandum ; & sic absque dubio constituit actum malum : secundò privatè , quia teneor apponere finem bonum , & non appono ; ut si celebro fine intentione consecrandi ; nam illi actui debita est talis intentio , quam si non appono , pecco : tertio negativè , quando E scilicet non appono finem bonum , sed non teneor apponere : unde cùm homo non teneatur actui indifferens ex objecto apponere finem bonum & honestum , sed possit illum exercere ob solam delectationem , vel naturæ commoditatem , hujusmodi actus , etiamsi advertenter & liberè fiat , & absque formaliter aut virtuali intentione aliquius finis honesti , non est malus , sed remanet indifferens.

17.

Hoc est præcipuum , ac ferè unicum hujus Authoris fundamentum , quod facile potest convelli. Primò quia quoties homo operatur cum consilio & deliberatione rationis , tenetur operari ut homo , non vero ut animal præcise;

ac proinde juxta exigentiam & inclinationem naturæ rationalis per quam operatur : Ergo tenetur operari in ordine ad bonum rationis , sive honestum , quod est finis naturæ rationalis ; inclinatio enim alicuius naturæ , semper est ad proprium finem talis naturæ ; unde si non operetur formaliter aut virtualiter in ordine ad bonum honestum , hoc ipso actus ille , non solum negativè , sed etiam privatè erit non bonus , & non honestus , subindeque in honestus & malus moraliter.

Secundò : Quotiescumque homo operatur ut homo , & cum consilio & deliberatione rationis , debet operari conformiter ad regulam , seu dictamen rectæ rationis , & prudentia : Recta autem ratio & prudentia dicitur homini , bonum honestum esse alii bonis præferendum , & omnia ejus opera , saltem virtualiter , in finem honestum esse dirigenda , ut sic ejus vita nature ipsius rationali corresponeat , & in omni ejus libera operatione reuceat pars rationalis , operando altius , & ordinando animales operationes ad rationales fines . Unde quando homo propter solam delectationem , vel naturæ commoditatem agit , non intendendo , virtualiter saltem , bonum honestum , non agit ut homo , sed assimilat jumentis insipientibus , quibus non est intellectus . Hinc Propheta Psal. 9. dicebat : C Constitue , Domine , legislatorem super eos , ut scient Gentes quoniam homines sunt : id est , mitte Domine , Verbum tuum , & Sapientiam de cælis , ut doceat Gentes , & homines peccatores (qui more brutorum vivunt , attendo solum ad bonum delectabile & sensibile) operari conformiter ad naturam humanam , & sequi regulas rectæ rationis & prudentia , ac prosequi bonum honestum & rationi consonum . Sicut ergo dedecet Regem , vel Principem , cum rusticis pascere porcos ; ita magis dedecet regiam hominis naturam in actibus pororum & jumentorum voluntari , ac siffreri in solo bono delectabili & sensibili , non referendo illud , virtualiter saltem , in bonum honestum , & rationi consonum . Quod ut magis declaretur ,

Sciendum est , bonum communiter dividi à Philosophis in honestum , delectabile , & utile : inter quæ hoc reperitur discrimen , quod bonum honestum est tale ratione sui , & independenter ab utili , & delectabili ; utile vero non habet rationem boni , nisi dependenter ab extrinseca bonitate finis , seu boni honesti , quæ est ratio eligendi media ; delectabile autem est quasi illecebra boni honesti , & veluti aliquod ejus condimentum , quod provida & sapiens natura , in actibus præfertim qui ad conservationem speciei & individui ordinantur , apposuit , ut bruta , quæ non possunt apprehendere bonum honestum , delectabili trahentur : unde bruta intendunt delectabile , natura vero honestum , nempe individui vel speciei conservationem : sed homo qui est rationis compos , & bonum honestum apprehendere potest , quotiescumque cum consilio & deliberatione rationis agit , tenetur , virtualiter saltem , intendere bonum honestum : subindeque si in solo delectabili siffrerit tanquam in fine , peccat , & agit more brutorum , & quod in brutis est natura , in ipso est vitium . Quare falsum est , & à principiis moralis Philosophia penitus alienum , quod Adversarij dicunt , nempe hominem posse exercere actus ex objecto indifferentes , propter solam delectatio-

DE INDIFFERENTIA AD BONITATEM ET MALITIAM. 243

nem, aut commoditatem naturæ, tanquam propter finem: tum quia pars sensitiva & animalis, 18. upote inferior, debet semper subesse ac subordinari rationali superiori, & ab ipsa dirigi & regulari; tum etiam quia cùm bonum delectabile sit inferius honesto, & ordinetur per se primò ad illud, sicut decor & pulchritudo ad juventutem, ut ait Philosophus in libris Ethic. recta ratio dicit hominem nunquam debere operari propter bonum delectabile tanquam propter finem, sed illud semper esse referendum ad bonum honestum. Unde SS. Patres, infra referendi, docent actum conjugalem, ob solam delectationem factum, esse malum, & peccatum, saltem veniale, & D. Thomas 2. 2. qu. 168. art. ad 2. ait quod malum est ponere finem in delectatione ludi. Et in corp. articuli constitutum quandam virtutem, qua dicitur *Eupatelia*, seu jucunditas, cuius mūns est ponere medium in ludis & jocis, seu in delectationibus ex ludis & jocis provenientibus; ut scilicet homo tantum, & non plus, vel minus de delectatione ex ipsis sumat, quantum sufficit & requiritur ad animi recreationem, qua est finis honestus.

10. Ex his ergo patet vis & efficacia rationis D. Thomæ, qua potest sic refumi. Quotiescumque homo operatur cum consilio & deliberatione rationis, intendit aliquem finem; cùm finis sit obiectum ad æquatum voluntatis, saltem motivum, ut tractatu præcedenti ostendimus: vel ergo talis finis est bonum honestum, aut delectabile? utile enim quâ tale, cùm non sit appetibile propter se, sed solum propter aliud, ad quod deferruit ut medium, non potest habere rationem finis. Si sit bonum honestum, actus erit moraliter bonus, & rationi consonus: si vero sit pure delectabile, actus erit malus, & rationi dissonus; quia, ut ostendimus, est intrinsecè malum & rationi disforme, sistere in bono delectabili tanquam in fine: nam, ut ait D. Thomas supra qu. 4. art. 2. ad 2. *Divinus intellectus, qui est institutor nature, delectationes apposuit propter operationes*: Ergo nullus potest dari actus humanus & deliberatus indifferens in individuo.

Dices: Homo non tenetur semper agere ex deliberatione rationis, alias indeliberata fricare barbam, aut movere pedem, esset peccatum, quod est absurdum: Ergo neque tenetur omnem actionem deliberatam in finem honestum ordinare.

Sed contra: Sicut licet artifex non tenetur facere statuam, si tamen eam facit, tenetur ipsam facere iuxta regulas artis, & si ab illis deviat, peccat in genere artificiali: ita licet homo non tenetur semper agere cum consilio, & deliberatione rationis, quia non est in ejus potestate; cùm ipsius operatio intellectualis dependeat ab extraneis & corporeis principiis, quæ illius non subduntur potestati, & habeat rationem sensibus alligatam; supposito tamen quod aliquid deliberate & humano modo, subinde que ut agens morale, faciat, tenetur illud facere conformiter ad regulas morum, quæ sunt recta ratio & prudentia, & si ab illis deviat, peccat in ordine morali: Sed recta ratio & prudenter dicit omnem actionem nostram deliberatam esse virtualiter saltem in finem honestum dirigendam, ut patet ex supra dictis: Ergo licet homo non tenetur semper agere ex deliberatione rationis, tenetur tamen omnem actionem, quam cum consilio & deliberatione rationis cli-

A cit, in finem honestum, virtualiter saltem, ordinare. Dixi *virtualiter saltem*, quia ad honestatem & bonitatem moralem actus humani, non sufficit relatio habitualis in finem honestum, neque requiritur semper formalis, sed sufficit virtualis, qua habetur ex vi præcedentis intentionis faciendo omnia virtuosæ, & in ordine ad bonum honestum, aut propter Deum, quādiu manet in aliquo suo effectu. De quo in tractatu de merito. Nec hoc nimis durum, aut se verius quā par est à Theologo dictum existimes, quandoquidem Poëta Ethnicus, multis Theologis æquior, id ipsum agnovit, & S. Thomas accinit, damnatā indifferentiæ actuum singularium, hoc aureo versu:

Ni ratio jubeat, digitum exere, peccas,

§. IV.

Aliaratio D. Thoma exponitur.

S E C U N D A ratio, quam habet D. Thomas 22. art. 9. in argum. *Sed contra*, magis confirmit præcedentem, potestque sic breviter proponi. Omnis actio otiosa est mala moraliter: Sed actio qua est finem honestum non ordinatur, est otiosa: Ergo est mala moraliter, & non indifferens ad bonitatem & malitiam moralem. Major probatur: Verbum otiosum est malum, & puniendum in die judicij, ut colligitur ex illis verbis Christi Matth. 12. *Dico autem vobis, quoniam omne verbum otiosum, quod locuti fuerint homines, reddent rationem de eo in die judicij*. Unde Tertullianus lib. de patientia: *Traditum est in doctrina Christi, manere nos omnis vani, & supervacanci ditti reatum*. Et Divus Gregorius homil. 6. in Evang. *Mecum vos admoneo, ut ab otioso sermone parcamus, inutiliter loqui declinemus, in verum verba non defluant, cùm iudex dicat: Omne verbum otiosum quod loquunt fuerint homines, reddent de eo rationem in die judicij*. Ergo à fortiori opus otiosum est malum, & in die judicij puniendum. Consequens patet: tum quia in opere otioso non minus vane occupatur potentia, & consumitur tempus, quā in verbo otioso: tum etiam quia cùm opus quid majus & pretiosius sit quā verbum, ceteris partibus, pejus est opus otiosum, quā verbum otiosum. Unde Hieronymus in Psal. 16. *Si de verbis otiosis redditur ratio, quanto magis de operibus*.

Minor vero, qua asserit, actionem qua ad finem honestum non ordinatur, otiosam esse, facile suadetur. Actio non dicitur otiosa cùd habeat malum finem, aut malam aliam circumstantiam: Ergo solum potest dici otiosa, quia caret fine debito & convenienti, vel ut ait D. Gregorius ubi supra: *quia caret aut utilitate reitudinis, aut ratione justæ necessitatis*.

Confirmatur ex significatione hujus nominis *otiosum*: significat enim id quod non deseruit ad finem suum præcipuum; sic calamus qui non potest deserire ad scribendum, aut culter ad scindendum, dicitur otiosus & inutilis; sic etiam, si in officio sit aliqua pars, quæ ad inhabitationem aut ornatum non deseriat, otiosa censeretur. Item Matth. 20. operarij dicuntur otiosi, non quia nihil omnino agerent (fortè enim confabulabantur, & deambulabant) sed quia finem suum non exercabant, nempe excolere vineam, & in ea laborare. Denique Sapient. 4. dicitur: *Impiorum multitudine non erit*

Tom. III.

Hb ij

DISPUTATIO QVINTA

244

utilis: quia ut exponit Lyranus, *Inutile dicitur A quod non valet ad finem intentum*, sicut medica-
na dicitur *inutilis*, que non inducit sanitatem: omnes autem homines, in quantum sunt ad imagi-
nem Dei facti, sunt ad beatitudinem ordinatis,
propter quod impy ab ea deficientes dicuntur *inuti-
les*. Ergo similiter actio illa in ordine morali
censetur otiosa & inutilis, que non dirigitur in
finem proprium hominis, ut agentis liberi &
moralis, nempe in bonum honestum, & ratio-
ni confonum.

4. Hoc argumentum valde ac validè torquet
Adversarios, & ideo variis solutionibus ejus
vim declinare conantur. In primis aliqui negant
Majorem, & dicunt neque verbum, neque opus B
otiosum esse malum morale & peccatum: nam
licet Matth. 12. dicitur de omni verbo otioso
reddendam esse rationem, hoc tamen non de-
bet intelligi de judicio condemnationis, sed
tantum discussionis.

Sed hæc responsio non solum falsa, sed etiam
temeraria est. Primo quia repugnat SS. Patribus
supra relatis, qui assertunt otiosum verbum esse
peccatum, & condemnandum ac puniendum
in die judicij; & patet ex intento Christi, ille
enim verbis supra relatis intendebat ostendere
argumentum à minori ad majus, graviter punien-
dam esse blasphemiam in die judicij, quia in eo
homines reddent rationem de verbo otioso:
quod argumentum non haberet vim, si verbum
otiosum non esset peccatum puniendum in die
judicij. Unde Bernardus lib. de triplici custodia
manus, lingue, & cordis: *Si de verbo otioso
reddenda est ratio, quanto distictius de verbo
mendaci, irrisorio, eloaco, lascivo, adulatorio,
& detractionario?*

Secundo: Omne quod examinandum est in
die judicij, vel examinatur ad præmium, vel
ad supplicium: Sed verbum otiosum non est ex-
aminandum ad præmium, ut patet: Ergo ad
supplicium, tanquam malum morale.

Tertio: In vanum & absque ulla utilitate ex-
pendere pecunias, peccatum est prodigalitatis:
Ergo cum tempus sit aliquid pretiosius pecunia,
inutiliter illud terere in verbis, aut operibus
otiosis, peccatum erit otiositatis. De quo vide-
ri possunt Anselmus super illud Pauli Ephes.
5. *Redimentes tempus*. Et Bernardus libro citato
de triplici custodia, ubi eleganter expendit
quam gravis, perniciose, & culpabilis sit ja-
catura temporis, quod in verbis otiosis impe-
ditur. *Nemo vestrum fratres (inquit) parvi
estmet tempus, quod in verbis consumitur otio-
sis: si quidem tempus acceptabile est, & dies sal-
utis. Volat verbum irrevocabile, volat tempus
irremovable, nec adverterit insipiens quid amittat.* Libet confabulari, aiunt, donec hora pre-
tereat, donec pertranseat tempus. O donec hora
prætereat, quam tibi ad agendum penitentiam,
ad obtinendam veniam, ad acquirendam gratiam,
ad gloriam promerendam, miseratione conditoris
indulget. Donec pertranseat tempus, quo divi-
nam tibi reprobaret debueras pietatem, propera-
re ad angelicam societatem, suspirare ad amissam
hæreditatem, excitare remissam voluntatem, fle-
re commissam iniuritatem.

Denique Fideles omnes timorata conscientia,
tam docti, quam idiotæ, existimant verba
otiosa esse mala, & peccata venialia, & ideo ab
illis abstinent, & in confessionibus de eis se ac-
cusant, nullo Concilio, Prælato, aut viro do-

cto contradicente: Ergo sine ingenti temerita-
te negari non potest, verba otiosa esse mala,
& condemnanda, ac punienda in die judicij.
Unde

Respondent secundò alij, verba quidem otio-
sa esse prava, non tamen opera, & duplēcē as-
signant rationem discriminis. Prima est, quia
verbum ex se est instrumentum ad finem ordi-
natū, scilicet mentis manifestationem, & ideo
hoc ipso quod caret fine, otiosum est & pra-
vum; opus vero non est necessarium propter
aliud, sed propter se. Secunda, quia locutio est
actio magis rationalis, quam aliae actiones ex-
ternæ; maximè enim propriè convenit homini,
quatenus rationalis est, & ideo magis requirit
finem rationi contentaneum, quam aliae actiones,
qua quodammodo animales dici possunt;
ut ambulare &c. Ita quidam antiqui, quos re-
ferunt S. Thomas in 2. dist. 40. qu. 2. art. 5. &
D. Bonaventura ibidem art. 1. qu. 5.

Sed hæc solutio confutata manet ex supra di-
ctis: ostendimus enim quod si verba otiosa sint
mala, etiam opera otiosa prava erunt: tum quia
si opus sit vanum & inutile, in illo vanè occu-
patur potentia, & consumitur tempus, sicut in
verbo otioso: tum etiam, quia cum Deus non
minorem exposcat reddititudinem in factis, quam
in verbis, sicut in verbis requirit debitus fi-
nis, ita in operibus. Unde ait Hieronymus su-
pra relatus: *Si de verbis otiosis reddiuntur ratio,
quanto magis de operibus*. Rationes autem dis-
criminis, ab illis Authoribus adductæ, frivo-
la sunt. Nam in prima est æquivocatio, quia
verbum ordinatur ad aliud, ut lignum ad signa-
tum, quo ufo non privatur, etiam si otiosum sit,
nam etiam per illud explicat homo mentem
suam, præsertim si in locutione sit veritas, ut
supponimus: aliud verò est totam hanc locutionem
& mentis expressionem ordinari ad bonum
& honestum finem, qui non debet locutioni
ut locutio est, sed ut actio humana est. Secun-
da etiam non valet: quia cum quælibet actio,
ut humana est, sit rationalis, non minus requiri-
bit finem honestum, & rationi confonum, quam
locutio.

Tertiò alij respondent, concessâ Majori, ne-
gando Minorem, nempe actionem, que ad fi-
nem honestum non ordinatur, esse otiosam: ut
enim (inquit) aliqua actio otiosa non sit,
sufficit quod ad aliquam naturæ commoditatem
ordinetur.

Sed contra: Vel per commoditatem naturæ
intelligitur conservatio sanitatis, seu sustentatio,
quies, ac recta consistentia corporis: vel
delectatio aliqua corporeæ & sensibiliæ, exope-
rationibus, quibus species aut individuum con-
servatur, sequuta? Primum dici non potest:
quia cum conservatio sanitatis, & sustentatio ac
quies corporis, si bonum honestum, *hoc ipsum*
quod aliquis agit ordinare ad sustentationem vel
quietem sui corporis, ad bonum virtutis ordina-
tur, ut ait D. Thomas art. 9. ad 3. Unde actiones
ille que ad naturæ subditi ordinantur,
& que ad vitæ vel sanitatis conservatio-
nenem necessaria sunt, vel utiles, non sunt indif-
ferentes, sed honestæ, & naturæ rationali con-
formes; nam homini, etiam ut rationis est
particeps, convenit sensitiva & vegetativa parti
consulere, & prudentia dictat his naturæ indi-
gentiis esse subveniendum, proceduntque isti
actus à naturali in nos ipsos dilectione, qua-

DE INDIFFERENTIA AD BONITATEM ET MALITIAM. 245

honestă est & bona moraliter. Secundum etiam affirmari nequit: tum quia, ut suprà ostendimus, bonum delectabile nunquam debet esse finis naturæ rationalis: tum etiam, quia si ad tollendam otiositatem verborum aut operum, sufficeret ea ad aliquam naturæ delectationem ordinari, vix ullum esset verbum aut opus otiosum; quia nullum ferè est quod non dieatur aut fiat propter aliquam naturæ delectationem, seu animi vel corporis oblationem. Unde ut verba aut opera non sint otiosa, necessario requiritur, ut ad proprium finem naturæ rationalis, id est ad aliquod bonum honestum & rationi consonum, virtualiter saltem referantur.

S. V.

Principue objectiones solvuntur.

27. **O**RIGINES primò: Homo non tenetur diriger omnem actum suum in finem honestum: Ergo ruit primum ac præcipuum fundamentum nostræ sententiae. Consequens patet, Antecedens probatur: quia nullum est præceptum ad id obligans: nam vel esset positivum, vel naturale? Non primum, cum ex Scriptura non constet: Sed neque secundum, quia ad nullum ex præceptis Decalogi, ubi naturalia continentur, spectat: Ergo &c.

Confirmatur: Præcepta omnia sunt de actibus virtutum: Sed referre omnia ad finem honestum, ad nullam virtutem pertinet: Ergo de hoc nullum extat præceptum.

28. Confirmatur amplius: Rigorosum nimis videtur, & ferè impossibile, obligare hominem ad hoc quod in omnibus suis actionibus, in his etiam que ad naturæ commoditatem & individui conservationem pertinent, ut spuere, purgare nares, fricare barbam, &c. semper rectum finem apponat: alias continuò peccarent homines, saltem venialiter, cum continuò tales actiones occurrant, & homines non recordentur eas referre in bonum finem.

29. Ad objectionem respondeo, negando Antecedens. Ad cuius probationem, nego etiam Antecedens: quia, ut suprà disp. i. art. 2. explicando regulas moralitatis dicebamus, sicut agentia naturalia determinantur ab Authore naturæ ad proprios actus, naturali inclinatione, ita agens liberum determinantur per leges & præcepta: Videmus autem quod agentia naturalia recipiunt ab Authore naturæ inclinationem, ut per omnes suos actus tendant ad proprios fines consonos suis naturis: Ergo etiam agens rationale & liberum debuit habere præcepta & legem, ut omnibus suis actibus deliberatis tendat ad finem consonum naturæ rationali, qui est bonum honestum. Neque verò minus spectat ad nature Authorem, dare agentibus liberis pro omnibus suis actibus determinationem moralem, quæ est per præceptum, quam agentibus naturalibus determinationem naturalem, quæ est per naturalem inclinationem. Ex quo patet, tale præceptum esse naturale. Ad quod autem ex decem contentis in Decalogo reducatur, variè opinantur Authores. Quidam existimant illud esse reducendum ad præceptum dilectionis Dei, nam ratione hujus præcepti tenemur diligere Deum super omnia, & habere eum pro fine ultimo, & consequenter referre in ipsum omnes nostras actiones, saltem medietate, quod fit ordinando eas ad aliquem finem honestum. Alij dicunt, quod sicut est præcep-

A ptum naturale non prodigandi pecunias, ita & non terendi tempus inaniter, & potentias animæ vel corporis in operibus vanis & otiosis inutiliter non occupandi.

Verius tamen & probabilius existimo, quod sicut dantur quedam veritates, quæ per se non pertinent ad objectum fidei, sed sunt veluti præambula ad illam, ut Deum existere, Deum esse unum, sicut docet D. Thomas i. p. qu. 2. art. 2. ad i. ita dantur quedam præcepta naturalia, quæ non continentur in præceptis Decalogi, sed sunt quasi præambula ad ipsa; sicut est præceptum diligendi seipsum, ad quod reducitur præceptum de non operando absque fine rationabili, in quantum homo, quia rationalis est, & vivit vita intellectuā, ac elevata supra vitam brutorum, debet diligere suam dignitatem, & operari ut homo, non verò assimilari jumentis insipientibus, ut in prima ratione fusè expendimus. Ex quo infertur quod operari absque fine rationi consono, non opponitur alicui virtuti, sed naturali inclinationi hominis operandi ut rationalis est, quæ inclinatio nascitur ex amore naturali sui ipsius, qui non est virtus aliqua, sed aliquid majus virtute. Unde patet responsio ad primam confirmationem.

C Ad secundum dicendum, præceptum illud non est ita rigidum & difficile, sicut Adversarij existimant: quia, ut suprà annotavimus, non præcipitur ut actualiter omnes actus nostros referamus in bonum honestum, sed sufficit quod referamus virtualiter: idque impletur, quando ponit homo operari ex fine honesto actiones suas; hæc enim relatio manet, quandiu non retractatur. Nec peccatur continuò, ex hoc quod tale præceptum detur: Tum quia multæ actiones, quæ videntur indifferentes, revera tales non sunt, eò quod in recreationem honestam, aut commoditatem debitam, vel naturæ solatium seu quietem referantur, aut virtualiter relate sint: Tum etiam quia plures non sunt ex deliberatione, sed ex imaginatione, ut fricare barbam, movere pedem, levare festucam &c. præceptum autem referendi actus nostros in bonum honestum, non obligat, nisi quando operamur humano modo, & cum consilio ac deliberatione rationis.

D Eices, Esto detur tale præceptum, possunt tamen aliqui ejus obligationem invincibiliter ignorare, subindeque ratione talis ignorantiae ab ejus impletione excusari: Ergo saltem in illo poterunt dari actus humani indifferentes in individuo. Adde quod opinio opposita, que negat dari tale præceptum, non caret probabilitate: potest autem quis licet & tutâ conscientiâ sequi opinionem probabilem, reliquâ probabilitiori: unde tunc faciens actum indifferente ex fine etiam indifferenti, non peccabit, quia uteatur probabili opinione; neque faciet actum moraliter bonum, quia non intendet, ut supponimus, finem honestum, sed indifferente: Ergo saltem in aliquo casu poterit dari actus indifferens in individuo.

E Propter hoc argumentum aliqui dicunt, quod sicut inter duos Reges non potest dari bellum justum ex utraque parte, per se loquendo, per accidens tamen id potest contingere, suppositâ ignorantia invincibili ex parte unius, v. g. si unus ex illis invincibiliter ignoret jus quod alter habet in aliquam provinciam, vel civitatem, pro qua bellum geritur: ita similiter (in-

30.

31.

32.

33.

Hh iiij

quiuit) quamvis per se loquendo repugnet dari actionem humanam indifferentem in individuo, per accidens tamen id potest contingere, & de facto contingit in illo duplii casu in objectione adducto.

34. Sed haec solutio & doctrina displicet: tum quia D. Thomas universaliter afferit, nunquam posse dari actum indifferentem in individuo: tum etiam quia si semel hoc admittatur, omnia replebimus actibus indifferentibus & otiosis; quia poterit quilibet dicere, se velle uti opinione probabili Scoti & Vazquezij, & sic poterit multiplicare actus istos, & generare habitum moralem indifferentem, qui neque erit virtus neque vitium: quod repugnat Aristotelii & D. Thomae: nam Philosophus 2. Ethic. cap. 3. inquit quod habitus morales versantur circa illa, per quae homo fit melior vel deterior. Et cap. 12. afferit quod habitus existentes in voluntate, vel sunt virtutes, vel virtus. Idem docet S. Thomas infra qu. 54. art. 3. & in proemio qu. 55. ubi dicit nullum habitum moralem esse medium inter bonum & malum. Unde

35. Melius & facilius respondetur, negando pri-
mum casum esse possibilem: quia quamvis se-
cundum rationem speculativam possit quis tale
præceptum invincibiliter ignorare, non tamen
secundum rationem practicam. Ut enim ostendimus,
est præceptum seu dictamen generale syn-
desis & prudentiae, omnes actiones humanas
& deliberatas in bonum honestum dirigendi, seu
nunquam fistendi in bono delectabile tanquam
in fine, & nunquam otiosè aut inutiliter ope-
randi: prima autem principia, tam speculativa
quam practica, singulis hominibus ab Authore
nature insita sunt, ut mediis ipsis possint se tam
in speculativis quam practicis dirigere, unde de
illis in nullo homine, quantumvis bardo & stu-
pido, ignorantia invincibilis dari potest. Ad illud
quod subditur de opinione probabili, dicen-
dum est non esse licetum sequi opinionem minus
probabilem, in concurso probabilius, sed nos D
teneri eligere id quod probabilius & verosimi-
lius judicamus, ut in dissertatione de probabilitate,
infra subjicienda, fuisse ostendemus.

36. Obiectio secunda: Agere aliquid solum ad de-
lectationem capiendam, seu ordinare operatio-
nem aliquam ad bonum delectabile tanquam ad
finem, non est malum, nec rationi dissonum, sed
merè indifferentes: Ergo possunt dari actus indif-
ferentes in individuo. Consequientia pater ex di-
ctis in prima probatione conclusionis, Antecedens probatur. Comedere vel bibere absque ne-
cessitate, solum ad delectationem capiendam,
scilicet ob frigiditatem potūs, vel suavitatem ci-
bi, non est contra rationem, dummodo id san-
tati non noceat; similiter odorari flores, aut res
aromaticas, ob solum delectationem ex bono
odore capiendam; aut inspicere pulchras, ob solum
delectationem quam visus in earum aspectu
percipit; vel audire musicam ad capiendam au-
ditus delectationem, non est malum, nec pecca-
tum, quis enim haec damnet? Ergo agere aliquid
ob solum delectationem capiendam, seu opera-
tionem aliquam ad bonum delectabile tanquam
ad finem ordinare, non est malum, nec rationi
dissonum.

37. Respondeo, negando Antecedens: cùm enim
operations non sint propter delectationes, sed
è converso delectationes propter operations, ut
docet D. Thomas supra relatus, qui eligit ope-

A rationem propter delectationem, & propter hanc
solam operatur, inordinatè agit: unde qui pro-
pter solam delectationem comedit aut bibit, vel
aliquam aliam operationem sensitivam elicit,
peccat; ut non obscurè docet Augustinus 10.
Confess. cap. 31. ubi loquens de tentatione gulæ,
sic ait: *Cum salus sit causa edendi & bibendi, ad-
iungit se tanquam pedissequa periculosa jucundis, & plerunque præire conatur, ut ejus causâ
fiat quod saluis causâ me facere vel dico, vel vo-
lo: aperte indicans, cum causâ solius voluptatis
editur aut bibitur, malum es.* Et cap. 33. agens
B de voluptate aurium, inquit: *Sed delectatio car-
nis mea, cui mentem meam enervandam non
oportet dari, saepe me fallit, dum rationem sen-
sus non ita comitatur, ut patienter sit posterior,
sed tantum quia propter illam meruit admitti,
etiam precurrire aut ducere conetur. Ita in his
pecco, non sentiens, sed postea sentio. Et infra:
Cum mihi accidit, ut me amplius canticus quam res
qua canitur moveat, me peccasse confiteor. Ergo
cùm quando aliquid agitur ob solam delectationem,
hac amplius moveat, quam res, & non
sit posterior, sed præcurrat ac ducat, malum, &
peccatum erit.*

C Advertendum tamen, ut delectatio sit volita
propter operationem, atque adeò rectè & se-
cundum ordinem rationis, non esse necessarium,
ut semper actu & formaliter intendatur bonum
honestum, ad quod ex sua natura tendit bona
operatio, sed satis esse ut virtualiter sit inten-
tum: unde quamvis quis accedens ad mensam,
non cogitet de conservatione vita, sed solum de
cibi delectatione, non propterea peccat, quia
talens delectationem propter operationem vita
conservativam, saltem virtualiter vult, sicut
non inordinatè, nisi forte, propter immodera-
tam concupiscentiam delectationis ciborum,
superflue cibum sumat. *Ed enim* (inquit Grego-
rius) *sumenda sunt, que natura necessitas querit, moral-
& non que edendi libido suggestit.*

E Ex his intelliges, falsam esse, & bonis mori-
bus aduersam, Joannis Sancti sententiam, qui
disp. 23. num 25. contendit finem solius delecta-
tionis in conjugatis, nec peccatum quidem esse ve-
niale: *sicut non est, pulchrum proficere cam-
pum, fragrantem rosam odoratu ob voluptatem
admoveare, suavi melodie liberas aures dare.* Hæc enim doctrina aperte repugnat SS. Patri-
bus, præsertim Augustino lib. de bono conju-
gali cap. 6. si dicente: *Conjugalis concubitus
generandi gratiâ non habet culpam; concupis-
centia vero satianda, sed tamen cum conjugi, pro-
pter fidem thori, veniale habet culpam.* Et cap. 7.
Reddere debitum conjugale (inquit) *nullius est
criminis, exigere autem ultra generandi neces-
titatem, est culpa venialis.* Item 4. contra Iulian.
cap. 14. ait: *Hoc malo (libidinis) benè uti-
tur nuptiæ, cùm conjuges procreant filios per il-
lam, nihilque faciunt propter illam.* Unde lib. 5.
cap. 12. afferit, quod si aliter quam per concubi-
tum posset procreari proles, & tamen concubin-
ent conjuges, aperiissime libidini cederent, at-
que illo malo uterentur male. *Cum vero propter
quod sexus ambo sunt instituti, nisi eorum com-
mixtione non nascitur homo, propter hoc mixti
conjuges, illo malo utinatur bene: si autem de libi-
dine querunt etiam voluptatem, venialiter male.* Et superius lib. 2. ejusdem operis cap. 10. dixer-
at, *Conjuges contrahere unde quotidie dicant:
Dimitte nobis debita nostra, quando modum gene-*

DE INDIFFERENTIA AD BONITATEM ET MALITIAM. 247

- rationi necessarium causâ solius voluptatis excedunt. Similia habet Gregorius magnus lib. 12. moral. cap. 17. alias 20. Tunc (inquit) solùm conjuges in admixtione sine culpa sunt, cum non pro explenda libidine, sed pro suscipienda prole miscentur. Et de cura Pastorali p. 3. admonit. 28. Admonendi sunt conjuges, ut suscipienda proli- se meminerint causâ conjunctio- nis; & cum immoderata admixtione servientes, propagationis articulum in uicum transferunt voluptatis, perpendant quod licet extra non est, in ipso tamen coniugio, conjugij jura transcendunt. Vnde necesse est ut crebris exhortationibus monentur, ut defleant, quod pulchram copulæ speciem, admixtis voluptatibus fedant. Hos duces catervatim secuti sunt Scholastici, signanter Magister sententiarum lib. 4. dist. 26. & 31. D. Thomas ibidem qu. 2. art. 2. ubi ait: *Duobus solis modis conjuges absque omni peccato conuenient, scilicet causâ procreanda proli- se, & debiti reddendi, alias semper est ibi peccatum ad minus veniale.*
40. Ex quo pater falsum esse quod ait Tamburinus 7. lib. cap. 3. s. 5. num. 5, nempe, ut omne peccatum etiam veniale vitetur, finis in matrimonio usu aliquis ex his quatuor esse debet; proles in Dei cultu procreanda; carnis concupiscentia sedanda; sanitas propria uxoris conservanda; propria obligatio satisfacienda. Patet, inquam, hoc esse falsum: cum D. Thomas duos solūm agnoscat, propter quos sine culpa actus conjugalis fieri possit, nempe causam procreandæ proli- se, & reddendi debitum conjugale: & D. Augustinus suprà relatus asserat, quod dum conjuges de libidine querunt voluptatem, venialiter peccant.

41. Objecies tertio: Actus qui fiunt ob solam commoditatem naturæ, ut fricare manus ad dæpellendum frigus, deambulare ad juvandum digestionem, & tuendam sanitatem, & similes, nec sunt boni, nec mali: Ergo sunt indifferentes. Consequens patet, Antecedens probatur. Et in primis quod tales actus non sunt boni, videtur manifestum: tum quia non fiunt ob honestatem virtutis, sed ob solam naturæ commoditatem: tum etiam quia si essent actus virtuosi, possent esse materia voti; quod est ridiculum, stultum enim esset tales actus vovere. Quod autem non sunt mali, etiam patet: quia alias essent materia sufficiens confessionis: cuius oppositum ex eo constat, quod nemo de illis se accusat, nec sacerdos aliquis absolvit accusantem se tantum de illis. Unde D. Hieronymus epist. 89. ad Augustinum, quæ etiam est ii. inter epistolæ Augustini, loquens de his actibus indifferenteribus, & ad solam naturæ commoditatem pertinentibus, inquit: *Bonum est conuenientia, malum est luxuria, inter utrumque indifferens ambulare, & digerere alii stercore, capitis naribus purgamenta projecere, sputis rheumata jacere, hoc non est bonum, nec malum: sive enim feceris, sive non feceris, nec justitiam habebis, nec injustitiam.*

42. Ad hoc argumentum patet responsio ex supra dictis: diximus enim suprà quod si prædicti actus ad sanitatem & ad rectam corporis humani dispositionem, aliumve honestum finem fuerint aliquo modo necessarij, vel utiles, in eisque debitus modus & mensura seruentur, verè sunt actus boni & honesti, sicut alij quibus saluti corporis providemus; unde de se ordinantur ad bonum virtutis, saltē virtualiter, & dictantur à rectatione & prudentia, proceduntque à naturali in-

A nos ipsos dilectione, quæ honesta est, & bona moraliter. Non tamen ut plurimum sunt materia congrua voti: quia hoc debet esse de bono meliori, & sapè quamvis exercere illos actus sit bonum, melius est mortificationis gratia ab illis abstinere: sicut licet sit bonum carnis usci temperate, non est per se materia voti, quia melius est ab eis propter Deum abstinere. Si vero prædicti actus ob solam delectationem exerceantur, sunt peccata venialia; sicut actus conjugalis, propter solam delectationem factus, est malus moraliter, & veniale peccatum, ut suprà vidimus: unde sicut iste actus est sufficiens materia confessionis, ita & illi qui ad naturæ commoditatem pertinent, quando sunt deliberati, & propter solam delectationem fiunt. Quia tamen similares actus ut plurimum sine deliberatione ex sola imaginatione fiunt, & si fiant cum consilio & deliberatione rationis, ad sanitatem, vel honestam recreationem, vel naturæ quietem & solatium virtualiter saltē referuntur, regulariter sunt materia dubia, & ideò prudens sacerdos rārō debet his solūm absolutionem impendere, sed monere penitentem, ut de aliis, licet jam confessi, quæ certò scit fuisse peccata, se acueret.

Ad locum autem D. Hieronymi, in quo vim maximam faciunt Adversarij, facile respondetur, ipsum solūm velle, actus illos naturales, quos ibi recenset, non esse ex sua specie & objecto determinatè bonos, aut malos, sed indifferentes: observationem vero antiquæ legis, de qua ibi loquitur, semper fuisse aut determinatè bonam, aut determinatè malam ex sua specie; nam ante adventum & passionem Christi erat determinatè bona, post ejus passionem determinatè mala, cum legalia per Christi passionem & novæ legis promulgationem fuerint abrogata. Non asserit tamen Hieronymus, actus illos naturales, quos ibi enumerat, prout fiunt in individuo, & sunt vestiti suis circumstantiis, esse indifferentes, quia possunt ex circumstantiis vitari: nám si quis spuma in alium proiceret ex contemptu, aut ventrem in loco facto purgaret, absque dubio peccaret: sicut licet præcepta & sacrificia antiquæ legis, ante adventum Christi esserent ex se & ex sua specie determinatè bona, & Deo gratissima, tamen ex prauo fine, aut ex aliis circumstantiis, corum adimpletio sapè fiebat mala, ac Deo invisa & abominabilis, ut ipse conqueritur Ilaiae 1. his verbis: *Quo mihi multitudinem vitiosarum vesfrarum, dicit Dominus?* Plenus sum: holocausta arietum, & adipem pinguium, & sanguinem vitulorum & agnorum & hircorum nolui &c.


E Instat Vazquez, & contendit, D. Hieronymum loco citato admittere actus indifferentes non solūm in specie, sed etiam in individuo, subdit enim, *sive feceris, sive non feceris, nec justitiam habebis, nec injustitiam;* ly autem feceris (inquit Vazquez) denotat exercitium actionis in individuo, cum actus non possit fieri nisi in individuo & singulari.

Verum haec instantia frivola est: nam sicut si ego, qui censeo non dari actum indifferentem in individuo, dicere: *Ire in agrum, neque est bonum neque malum, sed indifferens:* unde *sive vadás, sive non vadás, neque bonum fecisti, neque malum,* ineptissime quis interpretaretur quod ponit actum in individuo indifferentem: ita pariter ineptè arguit Vazquez, dum infert Hieronymum admittere actus indifferentes in individuo, quia

de actibus supra enumeratis dicit: *sive feceris, sive non feceris, nec justitiam habebis, nec injuriam.* Nam icto ly feceris denotet actum particularem & in individuo, potest tamen & debet intelligi Hieronymus de illis operibus sumptis in particulari, & ut fiunt in individuo, secundum id individuale quod habent ex objecto; ex qua parte verum est, praedictos actus, sive fiant, sive non fiant, neque ad justitiam nec ad injustitiam pertinere. Ob hoc tamen non negat quod ex fine, & aliis circumstantiis, quæ objecto & specieci accidunt, debeant tales actus habere bonitatem aut malitiam, supposito quod fiant cum deliberatione.

45. Objicies quartò? Si quis ob exercitium dum taxat propriæ libertatis, aliquem actum ex specie & objecto indifferenter eliceret, v. g. festucam de terra levaret, talis actus neque esset bonus & honestus, neque malus & vitiatus, sed omnino indifferens; cum exerceat propriam libertatem, non sit determinatè bonum, aut determinatè malum, sed purè indifferens: Ergo potest dari actus indifferens in individuo.

46. Respondeo, quod si aliquis semel tantum aut bis aliquem actum ex specie & objecto indifferenter faceret, eo solo fine ut libertatem exerceat, talis actus esset bonus & honestus; haberet enim finem honestum, scilicet exercitium propriæ libertatis, quam aliquando exerceat, etiam circa actum ex objecto indifferenter, honestum est. Si vero sapere vellet ob eum duntaxat finem operari, tales actus non essent boni & honesti, sed mali & otiosi: quia licet semel aut iterum exerceat libertatem circa actus indifferentes, honestum sit, & ratione consonum, sepius tamen id facere, nullam habet honestatem, sed otiositatem.



DISPUTATIO VI.

De moralitate actus interioris.

Ad questionem 19. D. Thome.

EGIMVS huc usque cum D. Thoma qu. 18. de moralitate actuum humanorum in communi: nunc breviter dicendum de moralitate actuum interiorum, qui sunt præcipue intentio & electio, de qua S. Doctor qu. 19.

ARTICVLVS PRIMVS.

An bona intentio ex prava electione vitetur, & electio prava ex bona intentione rectificatur, vel saltem bonitas intentionis, diminuat malitiam electionis?

LETRIA hic inquirimus, seu tres difficultates breviter hic discutendas movemus. Prima est, an actus intentionis, qui ex se & ex proprio objecto non habet unde vitetur, sed ex illa parte fore bonus, ex eo quod sit causa malæ electionis reddatur malus: v. g. cum quis ex intentione efficaci dandi eleemosynam furatur ut tribuat eleemosynam, quaritur an intentio illa sit mala, seu vitiata ex electione hujus mali medijs: Se-

cunda difficultas est, an intentio boni finis possit aliquando totaliter auferre malitiam electionis pravi medij: v. g. an liceat aliquando mentiri ad tuendam vitam proximi, vel aliquod grave damnum evitandum? Vel utrum virgo, ut invasorem suæ pudicitiae effugiat, possit absque peccato se præcipitare in flumen, aut sibi manus violentas inferre? Tertiò queritur, an supposito quod intentio boni finis non auferat totaliter malitiam prava electionis, eam saltem aliquatenus minuat; ita ut furtum quod fit ex intentione dandi eleemosynam, non sit adeò grave, sicut esset, si absque hujus boni finis intentione fieret.

S. I.

Prima difficultas resolvitur.

DI CO PRIMÒ: Quando intentio per se & necessariò cum prava electione connectitur, ab ea vitatur: secùs vero, si per accidens tantum, & ex malitia eligentis, cùm ea conjugatur.

Probatur prima pars: Quando intentio per se & necessariò cum prava electione connectitur, in eam influit, ipsamque virtualiter continet; nam intentio est voluntas circa finem, non quomodocumque, sed ut acquirendum per media, & ex ipsa movetur operans ad ea eligenda: Sed quod influit in peccatum, seu trahit voluntatem ad illud, malum est: Ergo intentio quæ per se cum prava electione connectitur, eamque necessariò infert, est mala, & à tali electione vitatur. Unde S. Bernardus in libro de dispensatione & præcepto cap. 17. dicit quod *ut rectus sit oculus intentionis, duo requiruntur, nempe charitas in intentione, & veritas in electione:* hoc est rectitudine finis, & medij electi.

Probatur secundò: Actus humani bonitatem aut malitiam moralem desumunt à circumstantiis, ut suprà ostensum est: Sed cùm aliquis ex intentione efficaci dandi eleemosynam furatur, *D*isputante furtum est circumstantia illius intentionis: Ergo eam vitiat & eorrumpit. Minor probatur: Effectus per se ex aliqua actione sequutus, est circumstantia *Quid:* id etiam quod ad aliquid faciendum præstat opem & auxilium, est ejus circumstantia, nimurum circumstantia *Quibus auxiliis:* Sed cùm aliquis ex intentione efficaci dandi eleemosynam furatur, furtum est effectus per se ex tali intentione sequutus, & medium cuius ope & auxilio utitur ad finem illum obtinendum: Ergo ex duplice capite est circumstantia illius intentionis.

Probatur tertio: Sic se habent intentio & electio in practicis, sicut principium & conclusio in speculativis, ut docet Philosophus 7. Ethic. cap. 8. Sed quando ex aliquo principio per bonam consequentiam infertur conclusio falsa, tale principium in se falsum est: Ergo similiter cùm ex intentione per se & necessariò infertur prava electio, seu eligitur malum medium, talis intentio est in se mala & viciosa.

Ex his probata manet secunda pars conclusio: Nam quando intentio non connectitur per se cum prava electione, quod assūmatur malum medium, non provenit ex vi intentionis, que id non exigit, nec ad id determinat voluntatem, cùm illa sit contenta electione medijs honesti quo finis possit obtaineri, sed malum medium provenit ex pravitate voluntatis illud eligentis: Ergo tunc electio talis medijs non reddit malum primum intentionem; sicut cùm ex defectu arguentis,